

Keine beddeler vñ bedleryn scholē yn vnsem Parrampte
effte kerckspeel yn der stadt noch dorperen/ gheleden werden/
wente welkor myt older edder krankheyt nicht beladē/ scholē
arbeyden/ edder vth vnsem gebede vth der stadt vnd dorperē
ock myt hulpe der ouerichēyt/ henwech gedreuen werden De
auer vth thofellen by vns vorarmen edder vth krankheyt
edder older/ nicht arbeyden können/ scholen dorck de vororden
ten reyne vth vnsem gemenē kassen/ theinelyker wyse vorseen
werden/ yn mathen hyr nasolgende.

Uthgaue vnd vorsehinge vth dē gemenen kassen.

Hyр vmmē willen vnd scholē na vortkan wy yn geparrēde
vorsamlinge vnd vnse nakomen vth vnsem gemenen kassen/
dorck de teyn erweledē vnse vorstēder/ so verne syck vnse vor
mögen myt goddes gnaden vorstrecken wert/ ernerē vorseen
vnd erholden/ vnd de vthgauen alse folget/ n̄ha gelegenheyt
don vnde darleggen. N̄omlick.

Uthgaue des Parrampts.

Dem gemenen vnsem beropen erweleden sele sorger edder
Parner/ tho samende ock eynem vnsem beropen predyger/ so
eyne parner (welkor doch sulnest syn Parrampt/ myt vorkun
dinge des wordes goddes vnd anderem don künē vñ wetten
schal) tho hulpe togeordent/ vnde dar tho eyn Cappellan efft
yd de nottorfft fordern wōrde/ scholen de teyn vorstender/ vth
eyndrechtigem beslute der gantzen vorsamlynghe/ myt eynē
namkassrygen summa geldes vnd etlykē genetklykē vortade
vnd nuttinge/ lyggender gründe vñnd güder/ alle jar yerlyck
yo dē veerdendeyl/ vp eyn quateremper vnde veerdel jares/
to d̄er temelyken nottorfft vnd vpentholdinge vorseen/ vnd